

# Ikkilamchi polietilentereftalatning mexanik qayta ishlash retsikli

Zuhriddin Xayriddin o'g'li Rayimov

zuhriddinrayimov0@gmail.com

Sadullo Toyir o'g'li Hayitov

axborot22@gmail.com

Buxoro muhandislik-texnologiya instituti

**Annotatsiya:** Hozirgi kunda ishlab chiqarishning, fan va texnikaning rivojlanishi atrof-muhitga ko'plab turli chiqindilarning to'planishiga sabab bo'lmoqda. Yer ahолиси soni o'tgan asrning boshidan to yangi asrning shu kunigacha bir necha barobar o'sdi. Bu esa o'z yo'lida ularni hayotiy zarur mahsulotlar bilan ta'minlash uchun mamlakatlarda ko'plab zavod-fabrikalarning qurilishiga, plastik chiqindilarning ko'payishiga olib keldi. Oqibatda tabiat ayovsiz ishlatildi va ishlatilmoqda va uning o'zi turli chiqindilar bilan to'lib toshmoqda. Ushbu maqolada polietilentereftalat chiqindilarini qayta ishlash usullari keltirilgan.

**Kalit so'zlar:** polietilentereftalat (PETF), ichki qovushqoqlik, xemoliz, poliolefinlar, quritish, ikkilamchi xomashyo, texnologik chiqindi

## Mechanical recycling of secondary polyethylene terephthalate

Zuhriddin Hayriddin oglu Rayimov

zuhriddinrayimov0@gmail.com

Sadullo Toyir oglu Hayitov

information22@gmail.com

Bukhara Institute of Engineering and Technology

**Abstract:** Today, the development of production, science and technology causes the accumulation of many different wastes in the environment. The population of the earth has increased several times from the beginning of the last century to the present day of the new century. This, in turn, led to the construction of many factories in countries to provide them with vital products, and to an increase in plastic waste. As a result, nature has been used and is being used mercilessly, and it itself is overflowing with various wastes. This article presents methods for recycling polyethylene terephthalate waste.

**Keywords:** polyethylene terephthalate (PETF), internal viscosity, hemolysis, polyolefins, drying, secondary raw materials, technological waste

Ikkilamchi PETFga maishiy iste'mol chiqindilari, texnologik chiqindilar hamda ishlab chiqarish chiqindilari kiradi.

Texnologik chiqindilar (chet, qiyqim, ushoq, tasma, (lenta) va boshqa.) PETFni sintez qilganda hamda qayta ishlaganda vujudga keladi. Ushbu chiqindilar asosiy ishlab chiqarishda takroriy qo'llanishi hisobiga samarali qayta ishlanadi.

PETFning ishlab chiqarish va maishiy iste'mol chiqindilari - bu suyuqlıklarni, shu jumladan, suv, pivo, vino, alkogolsiz va alkogol ichimliklarni qadoqlash va upakovka qilish uchun konteynerlardir.

Xemoliz usullariga nisbatan PETFni mexanik ikkilamchi qayta ishlash nisbatan oddiy usul hisoblanadi. Ya'ni kichik kapital sarflarni talab qiladi, xomashyoning ta'minlanganligi, atrof muhitga noxush ta'sir ko'rsatmaydi.

PETFni qo'llashning har bir sohasi uchun dl/g birliklaridagi suyultirilgan eritma (fenol-tetraxloretan erituvchilar aralashmasida) qovushqoqligi bo'yicha aniqlanadigan ichki qovushqoqlik (IQ) bilan tavsiflanadigan ma'lum o'rtacha molekulyar massa talab qilinadi[1]. IQ qiymati qancha yuqori bo'lsa, shuncha qayta ishlangan PETFning mexanik xossalari yaxshi bo'ladi.(1-jadval)

*1-jadval*

Turli molekulyar massali plastmassalar talab qilinadigan PETF qo'llanilishining turli sohalari

Qo'llanilishi	Ichki qovushqoqlik
Magnit tasmalar	0,60
Tolalar	0,65
Gazlangan ichimliklar uchun butilkalar	0,73-0,80
Sanoat shina kordi	0,85

Har qanday PETF suyuqlanmasini qayta ishlashida uchraydigan asosiy muammo bo'lib termik gidrolitik destruksiyalanish hisobiga boradigan suyuqlanma qovushqoqligining pasayishi hisoblanadi. Shuning uchun ishlatilgan butilkalardan ikkilamchi qayta ishlangan PETF tolalar ishlab chiqarish uchun yaxshi to'g'ri keladi, chunki tolalar ichimliklar uchun butilkalarga qaraganda kichikroq ichki qovushqoqlikni talab qiladi[2]. PETF dan yasalgan ishlatilgan butilkalar maxsus jihozlarda navlarga bo'linadi va toylarga presslanadi. Odatdag'i ikki litrli butilkada 60g PETF, 1g polietilen (qopqoq) va 5g yopishtirilgan qog'oz va yelim bor. Bu butilkalar keyin yuviladi va toza quritilgan pag'aga aylanadi.

Mexanik usul bilan PETFni ikkilamchi qayta ishlanishi ma'lum qiyinchiliklari bor:

- 1) Ikkilamchi PETFni noan'anaviy ishlatilish sohasida qo'llash holida u ancha arzon bo'lgan plastmassa bilan raqobatlashishga majbur bo'ladi.
- 2) Yopishtirilgan qog'oz va yelimalar (kanifol kislotalar va murakkab efirlar asosida) dan qolgan izlar PETF rangining o'zgarishiga olib keladi.

3) Yaxshi quritilmagan va qoldiq namlikni saqlagan PETF qayta ishlashda oson destruksiyalanadi.

4) Kichik to'kma zichligi va xomashyoni navlarga bo'lishni yaxshi o'tkazish zarurligi sababli PETF dan yasalgan butilkalarni yig'ishning yuqori narxi.

5) Termik va oksidlovchi destruksiyalanish mahsulotlari PETFning sarg'ayishini keltirib chiqaradi va mexanik xossalarni kamaytiradi.

6) PETF qayta ishlashdan oldin maxsus ishlanishni va quritilishni talab qiladi, chunki uni polimer materiallangan oddiy asbobda qo'llab bo'lmaydi.

Ikkilamchi qayta ishlangan PETFni yuqori sifatli buyumlarni tayyorlashda qo'llash mumkin bo'lishi uchun, u quyidagi texnik talablarga javob berishi kerak:

1) PETF pag'alari rangi bo'yicha ajratilgan bo'lishi kerak;

2) PVX, qog'oz, kley, loy kabi kirtmalar bilan ifloslanishi minimal bo'lishi kerak;

3) ichki qovushqoqlik (yoki molekulyar massa) dastlabki qiymatlarga yaqin saqlanib turilishi kerak;

4) sifat o'zgarmas bo'lishi kerak.


PETF ning sanoat ishlab chiqarilishi dastlabki polimerni takroriy qayta ishlangan bilan aralashtirishdan iborat. Qayta ishlangan polimer ko'pgina hollarda xuddi o'sha zavodning o'zidan qirqilgan material holida kelib tushadi va dastlabki materialga yaqin bo'lgan tavsiflarga ega. Muhimi, ikkilamchi qayta ishlash oldidan xomashyo yaxshi quritilgan bo'lishi kerak.

Odatda PETF ning gomopolimer aralashmalar qaytarilgan polimer VPETF ning faqatgina kichik konsentrasiyalarini saqlaydi, chunki uning hatto ozgina miqdori makroskopik xossalarning o'zgarishini keltirib chiqarishi mumkin. VPETF asl polimerga yuvish va tortishdan keyin qo'shiladi. Bir necha marta qayta ishlangan xossalari o'zgargan polimer bilan aralashmalar hosil bo'lish ehtimolligi mavjud.

1-rasmda alkogolsiz ichimliklar uchun butilkalardan PETFni qayta ishlash sxemasi keltirilgan[3]. PETdan yasalgan butilkalar qo'l bilan yoki rangni farqlaydigan asbob yordamida yig'iladi va saralanadi. Mashina yordamida saralashda elektron soniya ulushlari ichida PVX, shisha va h.k. kabi begona materialarni aniqlaydi va ularni chiqarib yuboradi hamda butilkalarni o'lchami va shakli bo'yicha saralaydi. So'ngra butilkalar joylarga yig'iladi va ikkilamchi qayta ishlash zavodiga yuboriladi.(1-rasm)

PETF butilkalar konveyer lentasiga o'tkaziladi. Toylni qadab qo'yadigan simlarni olib tashlagandan keyin, ular separator barabanida sindiriladi va ulardan quylmaning yirik zarrachalari chiqarib yuboriladi. Butilkalar yirik fragmentlarga ikkita kesgichga kesiladi, so'ngra kesadigan tegirmonlarda bir xil o'lchamdag'i zarrachalarga aylanadi. Natijada PETF, yopishtirilgan qog'oz va butilka qopqoqlaridan iborat aralashma hosil bo'ladi. Yopishtirilgan qog'oz oqimdan havo

separatori yordamida ajratiladi, so'ngra qog'oz qoldiqlari jadal yuvish davomida yuvilib ketadi. So'ngra flotatsiyalash jarayoni keladi. U yengil fraksiyalar (poliolefinlardan butilka qopqoqlari)ni og'ir fraksiya (PETF)dan ajratadi. Zarur bo'lган quritishdan keyin poliolefinlar qayta ishlataladi. [4].



1-rasm. Alkogolsiz ichimliklar uchun PETF butilkalarini qayta ishlash sxemasi

Ifloslanishlarni yo'qotish uchun PETF zarrachalari so'ngra kaustik soda eritmasi bilan ( $\text{NaOH}$ ) aralashtirgichli idishda aralashtiriladi va bu aralashma uzunligi 26m bo'lган aylanib turadigan quritish pechi orqali asta-sekin (bir necha soat) harakat qiladi. Harorat va havo oqimi ta'siri ostida begona materiallar quritish pechi oxirida chiqarib yuboriladi, toza PETF suspenziyasi esa filtrlanadi. So'ngra PETF yuviladi va quritiladi. Metallning mayda zarrachalari yanchilgan materialdan separator bilan ajratib olinadi. Qayta ishlangan materialning rangi tozaligini ta'minlash uchun u rangni aniqlaydigan spektrometrda har qaysi zarracha spektri tayanch signali bilan solishtiriladi. Pnevmatik soplolar saralanmagan materialni chiqarib yuboradi. Bu sistema yordamida qo'shimcha ishlangan rekuperatsiya qilingan PETF shunchalik tozaki, uni qayta 100 %ga butilkalar tayyorlash uchun qo'llash mumkin. [5].

Ikkilamchi PETF ni qo'llash sohalari va usullari nisbiy molekulyar massaga (ichki qovushqoqlik) bog'liq bo'ladi. (2-jadval)

2-jadval

#### Mexanik usul bilan qaytarilgan PETFni qo'llash sohalari

Buyumlar	Tonna
Tolalar	86
Amorf PETF (plenka/plastinalar)	16
Bog'lama	15
Oziq-ovqat mahsulotlari bilan kontaktda bo'lмаган sig'imlar	17
Oziq-ovqat mahsulotlari bilan kontaktda bo'lган sig'imlar	10
Sanoat plastmassalari	9
Boshqalar	2
Jami	155

## Использованная литература

1. K.R Khujakulov, A.M Narzullaeva, Z.X Rayimov, R.N Niyozova, N.Q Jamilova, B.O Raxmonov. Analysis of Physical and Mechanical Properties of Skin Oil Based on Secondary Petroleum Products. ISSN: 2350-0328 International Journal of Advanced Research in Science,Engineering and Technology Vol.7, Issue 11 , November 2020. 15908-15913 pp.
2. O'G'Li, R. Z. K., & Qizi, J. N. Q. (2022). ANALYSIS OF IMPORTANCE AND METHODS OF PRODUCTION OF BLOCK SOPOLYMERS BASED ON POLYETYLENTEREPHTALATE. International Journal of Advanced Technology and Natural Sciences, 3(1), 51-55.
3. Zuhriddin, R., Niginabonu, J., Aminjon, V., & Temurbek, D. (2022). MECHANISMS OF ETERIFICATION OF TEREFTALIC ACID WITH ETYLENGLYCOL. Universum: технические науки, (5-11 (98)), 63-67.
4. Khujakulov, K., Mavlanov, B., Fozilov, S., Niyozova, R., & Komilov, M. (2021, September). Synthesis and research of fatty acids based on local secondary petroleum products. In IOP Conference Series: Earth and Environmental Science (Vol. 839, No. 4, p. 042073). IOP Publishing.
5. Zuhriddin, R., & Niginabonu, J. (2022). PRODUCTION OF POLYETHYLENE TEREPHTHALATE. Universum: технические науки, (5-11 (98)), 58-62.
6. G.A.G'afurova V.N.Axmedov, Z.X.Rayimov. Tereftal kislota hosilalari. ISBN 978-9943-9265-3-0 Monografiya "Durdon" nashriyoti. 2023. 152 bet.